

友

論

利瑪竇集

中
華
書
局

叢書集成初編

證人社約（及其他五種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

友
論

此據寶顏堂祕笈
本排印初編各叢
書僅有此本

友論小敘

伸者爲神。屈者爲鬼。君臣父子夫婦兄弟者莊事者也。人之精神。屈於君臣父子夫婦兄弟。而伸於朋友。如春行花內。風雷行元氣內。四倫非朋友不能彌縫。不意西海人利先生乃見此。利先生精於天地人三才圖。其學惟事天主爲教。凡震旦浮屠老子之學。勿道也。夫天孰能舍人哉。人則朋友其最耦也。攜李朱銘常。於交道有古人風。刻此書。真可補朱穆劉孝標之未備。吾曹宜各置一通於座隅。以告世之烏合之交者。

仲醇陳繼儒題

友論題詞

蓋自陳雷蔑聞而公叔絕交始有激論以予所觀利山人集友之益大哉胡言絕也班荆傾蓋結帶之歡詎惟是昔人有之管鮑慶廉迄于今日此誼故多烈云少陵詩曰翻手作雲覆手雨紛紛輕薄何須數殆卽伐木乾籬之刺用以示誠則可倘執五交三疊而概謂四道終不可幾于世也當不其然

丁未新秋日朱廷策銘常父題于寶書閣

友論引

寶也。自大西航海入中華。仰

大明天子之文德。古先王之遺教。卜室嶺表。星霜亦屢易矣。今年春時。度嶺浮江。抵於金陵。觀上國之光。沾沾自喜。以爲庶幾不負此遊也。遠覽未周。返棹至豫章。停舟南浦。縱目西山。玩奇挹秀。計此地爲至人淵藪也。低回留之不能去。遂捨舟就舍。因而赴見。

建安王。荷不鄙。許之以長揖。賓序設醴。驩甚。

王乃移席握手而言曰。凡有德行之君子。辱臨吾地。未嘗不請而友。且敬之。太西邦爲道義之邦。願聞其論。友道何如。寶退而從述。盡少所聞。輯成友道一帙。敬陳於左。

友論

大西域山人利瑪竇集

利瑪竇曰。吾友非他。卽我之半。乃第二我也。故當視友如己焉。

友之與我。雖有二身。二身之內。其心一而已。

相須相佑。爲結友之由。

孝子繼父之所交友。如承受父之產業矣。

時當平居無事。難指友之真僞。臨難之頃。則友之情顯焉。蓋事急之際。友之真者益近密。僞者益疎散矣。

有爲之君子。無異仇。必有善友。

交友之先宜察。交友之後宜信。

雖智者亦謬計己友多乎實矣。

愚人妄自侈口。友似有而還無。智者抑或謬計。友無多而實少。

友之饋友而望報。非饋也。與市易者等耳。

友與仇。如樂與鬧。皆以和否辨之耳。故友以和爲本焉。以和微業長大。以爭大業消敗。

樂以導和。則樂失。和以導和。則樂失。

仇不和。則如鬧。

在患時。吾惟喜看友之面。然或患或幸。何時友無有益。憂時減憂。欣時增欣。

仇之惡以殘仇。深於友之愛以恩友。豈不驗世之弱于善。強于惡哉。

人事情莫測。友誼難憑。今日之友。後或變而成仇。今日之仇。亦或變而爲友。可不敬慎乎。

徒試之于吾幸際。其友不可恃也。

脈以左手脈也。左手不幸際也。

既死之友。吾念之無憂。蓋在時我有之。如可失。及既亡。念之如猶在焉。

各人不能全盡各事。故上帝命之交友。以彼此胥助。若使除其道於世者。人類必散壞也。

可以與竭露發予心。始爲知己之友也。

德志相似。其友始固。

愛也。變又耳。彼又我。我又彼。

正友不常。順友亦不常。逆友有理者順之。無理者逆之。故直言獨爲友之責矣。

交友如醫疾。然醫者誠愛病者。必惡其病也。彼以揀病之故。傷其體。苦其口。醫者不忍病者之身。友者宜

忍友之惡乎。諫之諫之。何恤其耳之逆。何畏其額之蹙。

友之譽及仇之訕。並不可盡信焉。

友者於友。處處時時。一而已。誠無近遠內外。面背異言異情也。

友人無所善我。與仇人無所害等焉。

友者過譽之害。較仇者過訾之害。猶大焉。

友人譽我。我或因而自矜。仇人訾我。我或因而加謹。

視財勢友人者。其財勢亡。卽退而離焉。謂既不見其初友之所以然。則友之情遂渙矣。

友之定。於我之不定事。試之。可見矣。

爾爲吾之真友。則愛我以情。不愛以物也。

交友使獨知利己。不復顧益其友。是商賈之人耳。不可謂友也。小人交友如放帳。惟計利幾何。

友之物皆與共。

交友之貴賤。在所交之意耳。特據德相友者。今世得幾雙乎。

友之所宜。相有有限。友或負罪。惟小可容。友如犯義。必大乃棄。

友之樂多於義。不可久友也。

忍友之惡。便以他惡爲己惡焉。

我所能爲。不必望友代爲之。

友者古之尊名。今出之以售。比之於貨。惜哉。

友於昆倫邇。故友相呼謂兄。而善於兄弟爲友。

友之益世也。大乎財焉。無人愛財爲財。而有愛友特爲友耳。

今也友既沒言。而諂諛者爲倭。則惟存仇人。以我聞真語矣。

設令我或被害於友，非但恨已害，乃滋恨其害自友發矣。多有密友，便無密友也。

如我恆幸無禍，豈識友之真否哉。

友之道甚廣闊，雖至下品之人，以盜爲事，亦必以結友爲黨，方能行其事焉。視友如己者，則遇者邇，弱者強，患者幸，病者愈，何必多言耶？死者猶生也。

我有二友，相訟於前，我不欲爲之聽判，恐一以我爲仇也。我有二仇，相訟於前，我可猶爲之聽判，必一以我爲友也。

信於仇者，猶不可失，況於友者哉？信於友，不足言矣。

友之職，至於義而止焉。

如友寡也，予寡有喜，亦寡有憂焉。

故友爲美友，不可棄之也。無故以新易舊，不久即悔。

既友，每事可同議定，然先須議定友。

友於親，惟此長焉。親能無相愛？親友者否？蓋親無愛親，親倫猶在，除愛乎友？其友理焉存乎？獨有友之業能起。

友友之友。仇友之仇。爲厚友也。吾友必仁。則知愛人。知惡人。故我據之。

不扶友之急。則臨急無助者。

俗友者。同而樂多於悅。別而留憂。義友者。聚而悅多於樂。散而無愧。

我能防備他人。友者安防之乎。聊疑友。卽大犯友之道矣。

上帝給人雙目。雙耳。雙手。雙足。欲兩友相助。方爲事有成矣。

友字古篆作。兩手也。可有而不可無。朋字古篆作。卽兩习也。鳥備之方能飛。古賢

者視朋友。豈不如是耶。

天下無友。則無樂焉。

以詐待友。初若可以籠人。久而詐露。反爲友厭薄矣。以誠待友。初惟自盡其心。久而誠孚。益爲友敬服矣。

我先貧賤。而後富貴。則舊交不可棄。而新者或以勢利相依。我先富貴。而後貧賤。則舊交不可恃。而新者

或以道義相合。友先貧賤。而後富貴。我當察其情。恐我欲親友。而友或疏我也。友先富貴。而後貧賤。我

當加其敬。恐友防我疏。而我遂自處於疏也。

夫時何時乎。順語生友。直言生怨。

視其人之友如林。則知其德之盛。視其人之友落落如晨星。則知其德之薄。

君子之交。友難。小人之交友。易。難合者難散。易合者易散也。

平時交好。一旦臨小利害。遂爲仇敵。由其交之未出於正也。交既正。則利可分。害可共矣。我榮時。請而方來。患時。不請而自來。夫友哉。

世間之物。多各而無用。同而始有益也。人豈獨不如此耶。

良友相交之味。失之後。愈可知覺矣。

居染塵。而狎染人。近染色。難免無污穢其身矣。交友惡人。恆聽視其醜事。必習之而浼本心焉。吾偶候遇賢友。雖僅一抵掌而別。未嘗少無裨補。以洽吾爲善之志也。

交友之旨。無他在彼善長於我。則我效習之。我善長於彼。則我教化之。是學而卽教。教而卽學。兩者互資矣。如彼善不足以效習。彼不善不可以變動。何殊盡日相與遊譴。而徒費陰影乎哉。

無益之友。乃偷時之損。甚

於偷財財可復積時則否。

使或人未篤信斯道。且修德尙危。出好入醜。心戰未決於以剖釋其疑。安培其德。而救其將墜。計莫過於交善友。蓋吾所數聞所數觀。漸透於膺。豁然開悟。誠若活法。勸責吾於善也。嚴哉君子。嚴哉君子。時雖言語未及。怒色未加。亦有德威。以沮不善之爲與。

爾不得用我爲友。而均爲嫵媚者。

友者。相褒之禮。易施也。夫相忍。友乃難矣。然大都友之皆感稱己之譽。而忘忍己者之德。何歟。一顯我長。

一顯我短故耳。

人人不相愛。則耦不爲友。

臨當用之時。俄識其非友也。惑矣。

務來新友。戒毋誼舊者。

友也。爲貧之財。爲弱之力。爲病之藥焉。

國家可無財庫。而不可無友也。

仇之饋。不如友之棒也。

世無友。如天無日。如身無目矣。

友者既久。尋之既少。得之既難。存之或離于眼。卽念之于心矣。

知友之益。凡出門會人。必圖致交一新友。然後回家矣。

諛諂友。非友。乃偷者。偷其名而僭之耳。

吾福祉所致友。必吾災禍避之。

友既結成。則戒一相斷。友情情一斷。可以姑相著。而難復全矣。玉器有所黏惡。于觀易散也。而寡有用耶。

醫士之意。以苦藥瘳人病。諂友之向。以甘言長人愆。

不能友已何以友人。

智者欲離浮友且漸而遠之非速而絕之。

欲以衆人交友則繁焉余竟無冤仇則足已。

彼非友信爾爾不得而欺之欺之至惡之之效也。

永德永友之美餌矣凡物無不以時久爲人所厭惟德彌久彌感人情也德在仇人猶可愛況在友者歟。

歷山王大西威值事急躬入大陣時有弼臣止之曰事險若斯陛下安以免身乎王曰汝免我於詐友且

顯仇也自乃能防之。

歷山王亦冀交友賢士名爲善諾先使人奉之以數萬金善諾怫而曰王貺吾以茲意吾何人耶使者曰

否也王知夫子爲至廉是奉之耳曰然則當容我爲廉已矣而麾之不受史斷之曰王者欲買士之友

而士者毋賣之。

歷山王未得總值時無國庫凡獲財厚頒給與入也有敵國王富盛惟事務充庫譏之曰足下之庫在於

何處曰在於友心也。

昔年有善待友而豐惠之將盡本家產也傍人或問之曰財物畢與友何留於己乎對曰惠友之味也。別傳

對曰留惠友之莫也意便異而均美焉。

古有二人同行。一極富。一極貧。或曰二人爲友至密矣。竇法德古者賢名聞之曰。既然何一爲富者。一爲貧者。

哉。言友之倫皆與共也。

昔有人求其友。以非義事而不見。與之曰。苟爾不與我所求。何復用爾友乎。彼曰。苟爾求我以非義事。何復用爾友乎。

西土之一先王。曾交友一士。而膳養之於都中。以其爲智賢者。日曠弗見陳諫。卽辭之曰。朕乃人也。不能無過。汝莫見之。則非智士也。見而非諫。則非賢友也。先王弗見諫過。且如此。使值近時文飾過者。當何如。

是的亞是北方國名俗。獨多得友者。稱之謂富也。

客力所西國名以匹夫得大國。有賢人問得國之所行大旨。答曰。惠我友。報我仇。賢曰。不如惠友而用恩。俾仇爲友也。

墨臥皮古聞士者折開大石榴。或人問之曰。夫子何物。願獲如其子之多耶。曰。忠友也。

萬曆二十三年歲次乙未三月望。大西城山人利瑪竇集。

